

ACTO I: O FÍO VERMELLO

Vivo está o orgullo do noso pasado
No digno alegato dos oito en Chicago
Mil veces caímos, mil que nos alzamos
París cheo de sangue ao final dese maio
Ensaíos dun tolo que a un pobo alumean
A esencia do Estado obreiro e campesiño
A folga en Berlín sen tregua que berra
Que elas son donas do propio destino
Non fica no olvido a Brigada Lincoln
A Unión en Asturias entre o grisú
Gayoso e Seoane que adican na cela
Un escrito a quen teima pese a cada obús
Milicias senlleiras dan guerra na fronte
Ao fascismo que acaba asinando a súa esquela
As estrelas acubillan ás Bruxas da Noite
Bandeiras vermellas conquistan o Reichstag
Chinesas que cultivan entre os campos a xustiza
A afouteza clandestina que transmite a Pirenaica
A contenda de Corea fronte a besta imperialista
Mussolini pendurado pola forza partisana
Batista derrocado por unha guerrilla armada
Viaxes solidarias no diario de Guevara
O heroico da toma ao cuartel da Moncada
Un novo espertar entrando na Habana

Lembrar, honrar, todo por conquistar
É polas que foron, as que son e as que serán
O motor da historia, o empurrar popular
Lembrar, honrar, nas nosas vidas
Golpes, caídas, desaparecidas
Lembramos o nome de toda heroína
Lembrar, honrar e nunca desistir
En Moscú, en Berlín, na defensa de Madrid
Librouse a batalla que nos trouxo ata aquí
Lembrar, honrar, sen tempo que agardar
Rachando as cadeas, un mundo por gañar
Xuntando camiños na vitoria final

Tempos complicados tamén na Guerra Fría
Potencias mundiais xogando a ser espías
Ditadores colocados pola CIA
Chicago Boys destrozando economías
O cóndor controla as nosas aldeas
Mais non se decata da nosa afouteza
Simone de Beauvoir con novas ideas
Sacade da cadea a Nelson Mandela
Pantera Negra reclama liberdade
Picasso pintando no lenzo a Masacre
Vietnam que resiste ataques do xigante
Dos que financiaron a Osama Bin Laden
Nin tanto mantra, nin tanto monta
Mentiras do PSOE cando di que non á OTAN
E Pablo Escobar facendo negocio
Coa vida do pobo que segue na loita
Non digas que no Estado foi modelo a Transición
Corenta anos despois aínda temos represión
Modelo son as folgas das mineiras do carbón
Modelo é Stonewall vencendo á opresión
Modelo é Portugal, que crea un novo abril
Estudantes consecuentes arrincando adoquíns
A revolta cubana de Vilma Espín
O muro antifeixista de Berlín

Retrouso

Nacimos nos escombros dun mundo sen muro
Matar a Gorbachov invádeme de apuros
Disolver á URSS non merece honra algunha
Yeltsin, bailarei na túa tumba
Fillas dos 90, do conto da infamia
Vimos a Latinoamérica xurdir da rabia
Xaneiro en Chiapas pra chegar a Venezuela
Chávez ergueunos desta noite en vela
Veña, que o imperialismo non descansa
Primeiro Afganistán, despois foron por Irak
E de postre, as Torres Xemelgas
Bush celebra a morte de miles de obreiras

A guerra como arma dun sistema en crise
Durmindoo nas prazas soñando imposibles
Contra ao capital nas folgas xerais
Loitamos nas praias, berrando Nunca Máis
Mais tampouco tragamos con toda rebelión
Ou con Al Assad, ou co DAESH, cabrón
Prefiro a Gadafi que a primaveira ianqui
Sei que en Ucraña hai un goberno nazi
Sen resignarnos lanzamos a ofensiva
Fóra Temer do Brazil, fóra Macri da Arxentina
Dando a cara, resoltas a vencer
Porque de nós depende "A insurrección", o "Que facer?"

Retrouso

ACTO II: A INSURRECCIÓN

Días grises de autobuses e trens
A vida é outra nova máis do Mundo Today
Comentaristas botan todo o seu fel
Non quero máis Rufiáns, quero máis Annas Gabriel
Mais temos moita luz neste lado escuro
Murcia derruba paso a paso o muro
Migrantes rachando cos picaportes
Que pechan o forte do seu zulo
Looney Tunes andan por Barcelona
E a prensa seria, que está de broma
Política, non testosterona
Kellys orgullosas pola túa zona
I a marca España, vaia patraña
Cousas estrañas nun Estado que deprime
Non son terroristas as que opinan libres
Terrorismo é o discurso de Felipe

Acción anticuñados, insurrección
Xa abonda de amargados, insurrección
Soltas merda no teclado? Insurrección
Deixemos os memes, pasemos á acción

Somos pobo
Esta loita é nosa, non é miña nin é túa
Somos soños
Os folgos do pobre, os berros na rúa
Somos pobo
O medo do patrón, a unidade proletaria
Somos soños
Aprendendo do pasado agroma unha esperanza

Copiamos esta letra da acta dun soviets
Pra matar a Llamazares a golpe de piolet
E sinte nesta base o cañón do Aurora
Que da paso á insurrección da clase traballadora
Non é que os fascistas queiran volver
É que nunca marcharon, queda todo por facer
Tecer, prender e comprender
Que imos ser como Lenin, que os imos varrer
De todo o Estado e de Catalunya
Nin parches, nin farsas: quero ruptura
Ara els progres diuen "parlem"
Si, clar, parlem de prende el poder

E non chega xa con tumbar ao goberno
Aprendimos dos bolcheviques no Palacio de Inverno
Rabia proletaria, disciplina e paixón
Non permitiremos a segunda Transición

E se queiman a terra, insurrección
Outra folga xeral, insurrección
Contra o patrón, insurrección
Imos queimar a Constitución

Retrouso

Vivimos sen sabelo nunha peli de Berlanga
Da Escopeta Nacional a Benvido Mr. Marshall
Cun toureiro sen un ollo que vende toda unha farsa
Saca a bandeira do polo en lugar da dos piratas
Trapeiros de Inditex xa me raian, xa me cansan
Copias dunha copia doutra copia mal copiada
Ráfagas claras de bombo e caixa que atacan
Ao aguilucho que se agocha na túa merda de rojigualda
Quero un novo Pravda, outro periodismo
Tanto máis me dá La Razón que Al Rojo Vivo
"El referéndum catalán es ilegal, todo un delito"
Di quen apalea ata as cellas de perico
Eu xa non me explico como cheira tanto a rancio
Romperei co Cara al sol con frío siberiano
Só o pobo salva ao pobo, iso téño claro
Como que cada fascista vai lembrar Stalingrado

Se aproban o CETA, insurrección
Van caendo as caretas, insurrección
Pra aparcar as diferenzas, insurrección
Imos a por todas, xa abondou de concesións

Retrouso

ACTO III: QUE FACER?

Revolta en cada rúa, nas fábricas e escolas
Pechemos ben as filas pra ser unha soa forza
Tensaron moito a corda, isto non ten volta
Como a loita do Potemkin empurrada polas ondas
A razón que trona, que nos guía ata a fin
Teño gravada baixo a pel cada Tese de abril
Non quero zar nin rei, nin tampouco resistir
Quero a toma do poder pra conquistar outro porvir
Non deamos descanso a banqueiros nin empresarios
Tampouco ao Estado asasino de Santiago Maldonado
Que as escravas e escravos son quen fabrican os cravos
Eles fan o cadaleito, nós imos apuntalalo
Borrando o seu sorriso pra velos tremer de medo
Soviets e sindicatos creando poder obreiro
Paso a paso a lume lento temperando o aceiro
100 anos despois vai tremer o mundo enteiro

Son cen anos xa e moitos máis virán
Seguimos en pé de guerra pola paz, o pan e a terra
Tecendo loitas con afectos no fío vermello
Que percorre a historia no camiño ata a vitoria

Entre tanta violencia, con este cheiro a napalm
Fagamos do presente unha nova esperanza
Situación de emerxencia, loita de vangarda
Gardemos todo o futuro nunha tabula rasa
Ezetaerre na casa que berra Nunca Máis
Defendendo terra e monte coa máscara antigás
Tendo en conta que na vida xa non hai volta atrás
Que o noso capital está nas propias mans
Rimas feitas polo pobo e para o pobo
No meu bando non hai sitio para fobias nin bobos
Só para tolas e tolos nesta boca do lobo
Que sexan o xermolo doutro mundo novo
Nos coidados e no apoio temos a afouteza
Para gañar esta vitoria ao seu sometemento
Agardade ese momento, seguides na certeza
De que máis cedo que tarde rodarán as súas cabezas

Retrouso

Inquedanzas, quimeras, pura autodefensa
O mellor do mundo novo está nesta trincheira

Xa vivín con comunistas dos cinco continentes
Aprendín das amarguras e chorei polas ausentes
Sempre na mente a dor da xente
Senón deixa paso á seguinte valente
A Milagro Sala, a Juana Rivas
Aquí hai dous bandos, non diferentes perspectivas
Non esquezo aos Mossos golpeando compañeiros
Fala catalán, pero Trapero é un madero
Organicemos as filas contra o réxime do 78
Nós non queremos un trozo do biscoito
Ler máis, máis firmeza na acción
A clase obreira tomando o timón
Contra a Unión Europea, a OTAN e o IBEX
Programa mínimo, ruptura e proceso constituínte

Retrouso